

НА ВЕЛИЦЕЙ ВЕЧЕРНИ

Блажен муж: 1-й антифон.

ГОСПОДИ, ВОЗЗВАХ СТИХИРЫ ПРАЗДНИКА, ГЛАС 1:

1. **Стих:** Из глубины воззвах к Тебе, Господи, // Господи, услыши глас мой.
2. **Стих:** Да будут уши Твои // внимлюще гласу моления моего.
3. **Стих:** Аще беззакония назириши, Господи, Господи, кто постоит? // Яко у Тебе очищение есть.

Глагóли, Симеóне, / Кого нося на руку в церкви радуешься? / Кому́ зовеш и вопи́еши: / ныне свободихся, вѣдех бо Спáса моего? / Сѣй есть от Девы рождѣйся, / Сей есть от Бога Бог Слово, / воплотѣвыйся нас ради и спасый челове́ка, // Тому поклонѣмся. **Трижды.**

4. **Стих:** Имене ради Твоего потерпех Тя, Господи, потерпе душа моя в слово Твое, // упова душа моя на Господа.
5. **Стих:** От стражи утренняя до ночи, от стражи утренняя, // да уповаеет Израиль на Господа.
6. **Стих:** Яко у Господа милость, и многое у Него избавление, // и Той избавит Израиля от всех беззаконий его.

Приимѣ, Симеóне, / Егоже под мраком Моисей законополагающа провиде в Синаѣи, / Младѣнца бывша, закону повинующася. / Сей есть за́коном глаго́лавый, / Сѣй есть во пророцех речѣнный, / воплотивыйся нас ради и спасый челове́ка, // Тому поклонѣмся. **Трижды.**

7. **Стих:** Хвалите Господа вси языцы, // похвалите Его вси людие.
8. **Стих:** Яко утвердися милость Его на нас, // и истина Господня пребывает во век.

Приѣдем и мы, песньми Божественными Христа усрѣщем / и приѣмем Его, / Его́же спасение Симеон вѣде. / Сей есть, Его́же Давѣид провозвестѣ, / Сѣй есть во пророцех глаго́лавый, / воплотивыйся нас ради и за́коном вещавый, // Тому поклонѣмся. **Дважды.**

СЛАВА И НЫНЕ: ГЛАС 6:**[Иоанна монаха:]**

Да отверзется дверь Небесная днесь:/ Безначальное бо Слово
Отчее,/ начало приим под леты,/ не отступль Своего́ Божест-
ва,/ от Девы яко Младенец четыредсятоднёвен/ Материю вольне
приносится в церковь законную,/ и Сего на руки приемлет
ста́рец,/ отпусти, зовый, раба, Влады́ко,/ ибо очи мои видеста
спасе́ние Твое́./ Пришедый в мир спасти ро́д челове́чь, // Господи,
сла́ва Тебе́.

Прокимен дня.**Паремии:**

**Исхода чтение. Пророчества Исаиина чтение. Пророчества
Исаиина чтение.**